



Regulativ per occasiuns culticas ni culturalas en la baselgia da Pleif a Vella

Intent

La baselgia parochiala da Pleif ei tenor siu intent in liug d'oraziun e cult divin.

Ella stat en emprema lingia a disposiziun per quels intents alla pleiv da s. Vintschegn a Vella.

La vischnaunca da pleiv sa era metter a disposiziun la baselgia per concerts ni autras producziuns sacralas a gruppas indigenas ni jastras che damondan per quella lubientscha. Il survetsch divin dalla dumengia ed eventualas sepulturas han denton prioritad absoluta.

Per regla vegnan lubidas en baselgia mo producziuns da tempra religiosa el senn vast dil plaid. Excepziuns ein denton lubidas aschilunsch che quellas producziuns corrispundan alla dignitad dil liug.

Decoraziuns ed installaziuns astgan buca far donns vid baselgia ni santeri ed ein d'allontanar suenter l' occurenza schi spert sco pusseivel.

Midadas ed adattaziuns en baselgia ein en mintga cass da coordinar cun la calustra, la qualla ei cumpetenta da decider en caussa.

Access e parcadis

Igl access tier la baselgia cun vehichels da transport ei da restrenscher sil minimum. Vehichels a motor astgan restar mo cuort temps el santeri per cargar ni scargar.

Igl access cun vehichels a motor sin la via naven dil vitg entochen tier la baselgia da Pleif ei da principi scumandaus. Exepziuns ein lubidas tenor la signalisaziun da traffic sulettamein per survetschs da santeri e da furniziun.

Taxa fundamentala da diever

La vischnaunca da pleiv Lumnezia miez pretenda per producziuns ina taxa fundamentala da diever. Quella taxa vegn adossada per mintga singula occurenza. La taxa cuntegn ils cuosts dil diever dalla baselgia, quels per forza electrica ed il schubergiar sco era la preschientscha dalla calustra. En la taxa da diever per concerts ei cumpriu in exercezi d'approva il medem gi sco il concert.

Cuosts accessoris

Ilis cuosts accessoris che stattan en connex cun l'occurenza vegnan adossai als utilisaders ed organisaturs.

- Scaldament
Ilis cuosts per scaldament vegnan quintai per mintga singula occurenza che ha liug duront il temps da scaldar ch'entscheiva mintgamai igl 1 d'october e finescha ils 30 d'avrel.
- Orgla
Tier occurenzas cun diever dall'orgla vegn la taxa quintau per mintga singula gada.

Tarifas:

1) Taxa fundamentala da diever per:

- a) Occurenzas en fuorma da concerts per chors cun grondezia dapli che 10 persunas frs. 300.-
- b) Occurenzas en fuorma da concerts e producziuns da gruppas pintgas tochen 10 persunas frs. 200.--

2) Cuosts accessoris

- a) Scaldament. frs. 60.--
- b) Orgla frs. 150.--
- c) Ulteriurs exerchezis frs. 50.—

3) Taxas per visitaders privats

- a) per sunar l'orgla ord interess persunals ni per in auditori da tempra privata frs. 60.—

4) Occurenzas buca prevedidas en quest regulativ

- a) Tenor decisiun individuala dalla suprastonza

Quest regulativ va en vigur cun l' approvaziun entras la suprastonza dalla *vischnaunca da pleiv Lumnezia* miez ils 13 d'uost 2014 e remplazza il regulativ dils 14 d'uost 2008 dalla pleiv s.Vintschegn Vella.